



世目十一二
 正體類要 上下

七

武
 584
 40



武
584
卷

正體類要序

世恒言醫有十三科科自專門各守師說少能相通者其大較然也然諸科方論作者相繼纂緝不遺而正體科獨無其書豈非接復之功妙在手法而按揣之勞率鄙爲粗工而莫之講歟昔我

毅皇帝因馬逸傷諸尚藥以非世業莫能治獨吾蘓徐通政鎮侍藥奏效

聖體如初而徐亦由此遭際擢官至九列子孫世以其術仕醫垣此其所繫豈小小者而可以弗誨也且肢體損于外則氣血傷于內榮衛有所不貫藏府由之不和豈可純任手法而不求之脉理審其虛實以施補瀉哉太史公有言人之所病病疾多醫之所病病道少吾以爲患在不能貫而通之耳秦

越人過琅琊即為帶下醫過洛陽即為耳目痺醫入咸陽即為小兒醫此雖隨俗為變豈非其道固無所不貫哉立齋薛先生以癰疽承家而諸科無所不治嘗病正體家言獨有未備間取諸身所治驗檢而集之為正體類要若干卷極變析微可謂詳且盡矣而處方立論決生定死固不出諸科之外也然則學者又豈病道之少乎先生嘗著外科樞要余既為之序以刻矣將復刻是書備一家言余帶其用心之勤乃復為綴數語卷首使後世知先生之術固無所不通而未嘗不出于一也學者其勿以專門自諉哉先生名已字新甫官位前進士禮部主事陸師道著

正體類要上卷

薛氏醫按

吳郡薛已已著

新都吳玄有校

正體主治大法

一脇肋脹痛若大便通和喘咳吐痰者肝火侮肺也用小柴胡湯加青皮山梔清之若胸腹脹痛大便不通喘咳吐血者瘀血停滯也用當歸導滯散通之內經云肝藏血脾統血蓋肝屬木生火侮土肝火既熾肝血必傷脾氣必虛宜先清肝養血則瘀血不致凝滯肌血不致遍潰次壯脾健胃則瘀血易潰新肉易生若行剋伐則虛者益虛滯者益滯禍不旋踵矣

一肚腹作痛或大便不通按之痛甚瘀血在內也用加味承氣湯下之既下而痛不止按之仍痛瘀血未盡也用加味四物湯

補而行之若腹痛按之不痛血氣傷也用四物湯加參芪白朮
補而和之若下而胸脇反痛肝血傷也用四君芍歸補之既下
而發熱陰血傷也用四物參朮補之既下而惡寒陽氣傷也用
十全大補湯補之既下而惡寒發熱氣血俱傷也用八珍湯補
之既下而欲嘔胃氣傷也用六君當歸補之既下而泄瀉脾腎
傷也用六君肉果破故紙補之若下後手足俱冷昏憤出汗陽
氣虛寒也急用參附湯吐瀉手足俱冷指甲青者脾腎虛寒之
甚也急用大劑參附湯口噤手撒遺尿痰盛唇青體冷者虛極
之壞症也急投大劑參附湯多有得生者

一肌肉間作痛營衛之氣滯也用復元通氣散筋骨作痛肝腎
之氣傷也用六味地黃丸內傷下血作痛脾胃之氣虛也用補
中益氣湯外傷出血作痛脾肺之氣虛也用八珍湯凡下血
不止脾胃之氣脫也吐瀉不食脾胃之氣敗也苟預為調補脾
胃則無此患矣

一作痛若痛至四五日不減或至一二日方痛欲作膿也用托
裏散若以指按下復起膿已成也刺去其膿痛自止若頭痛時
作時止氣血虛也痛而兼眩屬痰也當生肝血補脾氣
一青腫不消用補中益氣湯以補氣腫黯不消用加味逍遙散
以散血若炊腫脹痛瘀血作膿也以八珍湯加白芷托之若膿
潰而反痛氣血虛也以十全大補湯補之若骨髀接而復脫肝
腎虛也用地黃丸腫不消青不退氣血虛也內用八珍湯外用
葱熨法則瘀血自散腫痛自消若行血破血則脾胃愈虛運氣
愈滯若敷貼涼藥則瘀血益凝內腐益深致難收拾一發熱若
出血過多或膿潰之後脈洪大而虛重按全無此陰虛發熱也

用當歸補血湯脉沉微按之軟弱此陰氣發躁也用四君薑附
若發熱煩躁肉瞶筋惕亡血也用聖愈湯如汗不止血脫也用
獨參湯其血脫脉實汗後脉躁者難治細小者易治外臺秘要
云陰盛發躁欲坐井中用附子四逆湯加葱白王太僕先生云
凡熱來復去晝見夜伏夜見晝伏不時而動者名曰無火此無
根之虛火也
一作嘔若因痛甚或因剋伐而傷胃者用四君當歸半夏生薑
或因忿怒而肝傷者用小柴胡湯加山梔茯苓若因痰火盛用
二陳薑炒黃連山梔若因胃氣虛用補中益氣湯生薑半夏若
出血過多或因潰後用六君子湯加當歸
一喘咳若出血過多面黑胸脹或胸膈痛而發喘者乃氣虛血
乘於肺也急用二味參蘓飲若咳血衄血者乃氣逆血蘊於肺
也急用十味參蘓飲加山梔仁連蘓木

一作渴若因出血過多用四物參朮湯不應用人參黃芪以補
氣當歸熟地以養血若因潰後用八珍湯若胃熱傷津液用竹
葉黃芪湯胃虛津液不足用補中益氣湯胃火熾盛用竹葉石
膏湯若煩熱作渴小便淋瀝乃腎經虛熱非地黃丸不能救
一出血若患處或諸竅出者肝火熾盛血熱錯經而妄行也用
加味逍遙散清熱養血若中氣虛弱血無所附而妄行用加味
四君子湯補益中氣或元氣內脫不能攝血用獨參湯加炮薑
以回陽如不應急加附子或血蘊於內而嘔血用四物加柴胡
黃芩凡傷損勞碌怒氣壯腹脹悶誤服大黃等藥傷經絡則爲
吐血衄血便血外血傷陰絡則爲血積血塊肌肉青黯此臟腑
虧損經隧失職急補脾肺亦有生者但患者不悟此理不用此
法惜哉

一手足損傷若元氣虛弱或不戒房勞或妄行攻伐致死肉上
 延或腐而不痛黑而不脫者當大補元氣庶可保生若手足節
 體斷去者無妨骨斷筋連不急剪去若侵及好肉則不治若預
 為調補脾氣則無此患大凡膿瘡肉爛者即針之而投托裏散
 或口噤遺尿而似破傷風者急用十全大補湯加附子多有生
 一腐肉不潰或惡寒而不潰用補中益氣湯發熱而不潰用八
 珍湯若因剋伐而不潰者用六君子湯加當歸其外皮黑堅硬
 不潰者內火蒸炙也內服八珍湯外塗當歸膏其死肉不能潰
 或新肉不能生而致死者皆失於不預補脾胃也
 一新肉不生若患虛天白脾氣虛也用六君若歸患處緋赤陰
 血虛也用四物參朮若惡寒發熱氣血虛也用十全大補湯膿
 稀白而不生者脾肺氣虛也用補中益氣湯膿稀赤而不生者

心脾血虛也用東垣聖愈湯寒熱而不生肝火動也用加味道
 遙散晡熱而不生肝血虛也用八珍牡丹皮食少體倦而不生
 脾胃氣虛也用六君子湯膿穢而不生者陰虛邪火也用六味
 地黃丸四肢困倦精神短少而不生者元氣內傷也用補中益
 氣湯如夏月用調中益氣湯作瀉用清暑益氣湯秋令作瀉用
 一傷重昏憤者急灌以獨參湯雖內瘀血切不可下急用菴蓋
 石散內化之恐因瀉而亡陰也若元氣虛甚者尤不可下亦用
 以前散化之凡瘀血在內大小便不通用大黃朴硝血凝而不
 下者急用木香肉桂末二三錢以熟酒調灌服血下乃生如怯
 弱之人用硝黃須加肉桂木香同煎假其熱以行其寒也
 一大便秘結若大腸血虛火熾者用四物湯送潤腸丸或以猪
 膽汁導之若腎虛火燥者用六味地黃丸腸胃氣虛用補中益
 氣湯

一傷損症用黑羊皮者蓋羊性熱能補氣也若杖瘡傷甚內肉已壞欲其潰者貼之成膿固速苟內非補劑壯其根本毒氣不無內侵外非砭刺泄其瘀穢良肉不無傷壞若受刑輕外皮破傷者但宜當歸膏敷貼更服四物芩連柴胡山梔白朮茯苓丁痂不結傷肉不潰死血自散腫痛自消若槩行罨貼則醞釀一跳躍提胸閃挫舉重勞役恚怒而胸腹痛悶喜手摸者肝火傷脾也用四君柴胡山梔畏手摸者肝經血滯也用四物柴胡山梔桃仁紅花若胸脇作痛飲食少思肝脾氣傷也用四君芎歸若胸腹不利食少無寐脾氣鬱結也用加味歸脾湯若痰氣不利脾肺氣滯也用二陳白朮芎歸梔子青皮若咬牙發搐肝旺脾虛也用小柴胡湯川芎山梔天麻釣藤鉤或用風藥則肝血益傷肝火益甚或飲糖酒則腎水益虛肝火愈熾若用大黃

等藥一傷陰絡反致下血少壯者必為痼疾老弱者多致不起一破傷風河間云風症善行數變人臟甚速死生在反掌之間宜急分表裏虛實而治之邪在表者則筋脈拘急時或寒熱筋惕搐搦脈浮弦用羌活防風湯散之在半表半裏者則頭微汗身無汗用羌活湯和之傳入裏者舌強口噤項背反張筋惕搐搦痰涎壅盛胸腹滿悶便溺閉赤時或汗出脈洪數而弦以大芎黃湯導之既下而汗仍出表虛也以白朮防風湯補之不時灌以粥飲為善前云乃氣虛未損之法也若膿血太泄陽隨陰散氣血俱虛而類前症者悉宜大補脾胃切忌祛風之藥一發瘧仲景云諸瘧項強皆屬於溫又云太陽病發汗太多致瘧風病下之則瘧復發汗則拘急瘡家發汗則瘧是汗下重亡津液所致有汗而不惡寒曰柔瘧以風能散氣也宜田朮湯加

桂心黃芪無汗而惡寒曰剛瘧以寒能澀血也宜葛根湯皆氣血內傷筋無所營而變非風也杖瘡及勞傷氣血而變者當補氣血未應用獨參湯手足冷加桂附緩則不救

撲傷之症治驗

血脫煩躁

有一患者兩脇脹悶欲欬不欬口覺血腥徧身腎腿脹痛倦怠不食煩渴脉大此血脫煩躁也與童便酒及砒患處出死肉糜肉甚多忽發熱煩躁汗出投以獨參湯三劑少止又用補氣血清肝火之藥數劑飲食稍進後用獨參湯間服諸症悉退飲食頓加但不能多寐以歸脾湯加山梔竹茹四劑而熟睡因勞心遂煩渴自汗脉大無力以當歸補血湯二劑而安又以十全大補去州芎加麥門五味牡丹地骨麻黃根炒浮麥數劑而汗止

死肉且潰又二十餘劑而新肉生

血虛發躁

有一患者煩躁面赤口乾心渴脉洪大按之如無余曰此血虛發躁也遂以當歸補血湯二劑即上後日晡發熱更以四物加柴胡牡丹地骨黃栢知母治之熱退而瘡斂東垣云發熱惡寒大渴不止其脉大而無力者非白虎湯症此血虛發躁也宜用當歸補血湯治之裴先生云肌熱躁熱目赤面紅其脉洪大而虛此血虛也若誤用白虎湯輕則危重則斃

氣虛血熱

有一患者頭額出汗熱滿氣短煩躁骨痛瘀血不流遂割去之出鮮血服芩連之藥益甚其脉洪大而微此氣血俱虛邪火熾盛所致以四物加參芪朮炙草少用柴胡炒芩二劑頭汗頓止

又加麥門五味肉桂二劑諸症悉退後用參芪歸朮炒芍熟地
麥門五味十餘劑瘀血潰而膿水稠矣但新肉不生以前藥倍
用白朮而斂

瘀血泛注

有一患者瘀血流注腰脊兩足俱黑隨飲童便酒砭出瘀血藥
肉投以小柴胡湯去半夏加山梔芩連骨碎補以清肝火用八
珍茯苓以壯脾胃死肉潰而新肉生後瘡復潰得靜調治而痊
有一患者瘀血攻注陰囊潰而成漏膿水清稀所服皆寒涼之
劑診其肝脈短澹餘脈浮而無力此肝木受肺金剋制又元氣
虛不能收斂遂用壯脾胃生氣血之方元氣少復後終歿於金
旺之日

瘀血作痛

有一患者腫痛發熱作渴汗出余曰此陰血受傷也先砭去惡

穢以通壅塞後用四物柴胡黃芩山梔丹皮骨碎補以清肝火
有一患者傷處揉散惟腫痛不消余曰此瘀血在內宜急砭之
不從余以蘿蔔自然汁調山梔末敷之破處以當歸膏貼之更
服活血之劑而瘡數年之後但遇天陰仍作痒痛始知不砭之
有一患者臀腿黑腫而皮不破但脹痛重墜皆以為內無瘀血
惟敷涼藥可以止痛余診其尺脈澹而結此因體肥肉厚瘀血
蓄深刺去即愈否則內潰有爛筋傷骨之患余入針四寸深黑
血數升腫痛遂止是日發熱惡寒煩渴頭痛此氣血俱虛而然
也以十全大補之劑遂瘡

肝火作痛

有一患者瘀血內脹焮痛發熱口乾作渴飲食不甘四肢倦怠
余曰此肝火熾盛脾土受制故患前症喜其稟實年壯第用降

火清肝活血之劑而愈

肝火忿怒

有一患者患處脹痛悲哀忿怒此厥陽之火為七情激之而然耳遂砥去瘀血以小柴胡湯加山梔黃連桔梗而安後用生肝血養脾氣之藥瘡潰而斂

肝火脇脹

有一患者患處脹痛發熱欲嘔兩脇熱脹肝脈洪大余曰肝火之症也但令飲童便并小柴胡湯加黃連山梔歸梢紅花諸症果退此症若左關脈浮而無力以手按其腹反不脹者此血虛而肝脹也當以四物參苓青皮甘草之類治之若左關脈洪而有力胸脇脹痛者按之亦痛此怒氣傷肝之症也以小柴胡芎歸青皮芍藥桔梗枳殼主之蓋此症不必論其受責之輕重問

其患處去血之曾否但被人扭按甚重努力恚怒以傷其氣血瘀血歸肝多致前症甚則胸脇脹滿氣逆不通或血溢口鼻卒至不救

肝膽虛症

有一患者愈後口苦腰脇脹痛服補腎行氣等藥不愈余按其脈浮而無力此屬肝膽氣血虛而然耳用參芪歸地黃白木麥門五味治之而愈

血虛腹痛

有一患者杖後服四物紅花桃仁大黃等劑以逐瘀血腹反痛更服一劑痛益甚按其腹不痛余曰此血虛也故喜按而不痛宜溫補之劑遂以歸身白木參芪炙草二劑痛即止

氣虛不潰

有一患者瘀血已去飲食少思死肉不潰又用托裏之藥膿稍

南氏醫案 二 骨馬要上卷 八
潰而清此血氣虛也非大補不可彼不從余強用大補之劑飲
食進而死肉潰但少寐以歸皮湯加山梔二劑而寐因勞心煩
躁作渴脉浮洪大以當歸補血湯二劑而安

寒凝不潰

有一患者受刑太重外皮傷破瘀血如汪內肉糜爛黯腫上亂
胸背下至足指昏憤不食隨以黑羊皮熱貼患處灌以童便酒
薄粥更以清肝活血調氣健脾之劑神思稍蘇始言遍身強痛
又用大劑養血補氣之藥腫消食進時仲冬瘀血凝結不能潰
膿又用大補之劑壯其陽氣其膿方熟遂砭去洞見其骨塗以
當歸膏及服前藥百餘劑肌肉漸生

脾虛不斂

有一患者潰而不斂以內有熱毒欲用寒涼之藥余曰此血氣
俱虛而不能斂耳非歸朮參芪之類培養脾土則肌肉何由而
生豈可復用寒涼剋伐之藥重損氣血耶遂用前藥治之而愈

血虛筋攣

有一患者腹脹嘔吐眩暈用柴胡黃芩山梔紫蘓杏仁枳殼桔
梗川芎當歸赤芍紅花桃仁四劑而定後又出血過多昏憤目
黑用十全大補等藥而蘊時肌肉潰爛膿水淋漓筋攣骨痛予
切其脉浮而瀦沉而弱此因氣血耗損不能養筋筋虛不能束
骨遂用養氣血之藥治之而愈

腎虛氣逆

有一患者杖瘡愈後失於調理頭目不清服祛風化痰等藥反
眩暈服牛黃清心丸又肚腹疼痛杖痕腫癢發熱作渴飲食不
思痰氣上升以為杖瘡餘毒復作診左尺脉洪大按之如無子

曰此腎經不足不能攝氣歸源遂用人參黃芪茯苓陳皮當歸
川芎熟地山藥山茱萸五味麥門冬草服之而尋愈後因勞熱
渴頭痛倦怠少食用補中益氣湯加麥門五味而痊

濕熱乘肝

有一患者愈後腿作痛余意膿血過多猶雖愈肝經血氣尚未
克實而濕熱乘虛也遂以八珍加牛膝木瓜蒼朮黃柏防已炙
草以祛濕熱養陰血痛漸止乃去防已黃柏服之遂瘳

肝經鬱火

有一患者瘀血失砭脹痛煩渴縱飲涼童便渴脹頓止以蘿蔔
細搗塗之瘀血漸散已而患處作癢仍塗之癢止後口乾作渴
小腹引陰莖作痛小便如淋時出白津此肝經鬱火也遂以小
柴胡湯加大黃黃連山梔飲之諸症悉退再用養血等藥而安

夫小腹引陰莖作痛等症往往誤認為寒症投以熱劑則諸症
出血或二便不通以及危殆輕亦損其目矣

痛傷胃嘔

有一患者痛甚發熱嘔吐少食胸膈痞滿用行氣破血之劑益
甚口乾作渴大便不調患處色黯余曰此痛傷胃氣所致遂以
四君當歸炒芍軟柴藿香二劑諸症漸愈又用大補之劑續之而瘳

藥傷胃嘔

有一患者發熱熾痛服寒涼藥更加口乾作渴肚腹亦痛自以
為瘀血欲下之余按其肚腹不痛脈細微而遲飲食惡寒此涼
藥傷胃而然也急用六君加芍藥當歸炮附子各一錢服之前
症益甚反加謔語面赤余意其藥力未至耳前藥再加附子五
分服之即睡覺來諸病頓退而安

氣血不損

有一患者瘀血雖去飲食形氣如故但熱渴熾痛膈痞有痰以小柴胡湯加天花粉貝母桔梗山梔二劑少愈又加生地歸尾黃芩柴胡山梔花粉而愈余治百餘人其杖後血氣不虛者惟此一人耳治者審之

行氣之非

有一患者服行氣之劑胸痞氣促食少體倦色黯膿清此形氣俱虛之症也先用六君桔梗二劑胸膈氣和後用補中益氣去升麻加茯苓半夏五味麥門治之元氣漸復而愈若非前劑賊元氣多致不救

下血之非

有一患者去其患處瘀血用四物柴胡紅花治之熾痛頓止但

寒熱口乾飲食少思用四物白朮茯苓柴胡黃芩花粉四劑寒熱即退用六君芎歸藿香而飲食進腐肉雖潰膿水清稀以前藥倍用參芪歸朮茯苓二十餘劑腐肉俱潰膿水漸稠悞服下藥一鍾連瀉四次患處色黯喜其盼不洪數乃以十全大補倍加肉桂麥門五味數劑肉色紅活新肉漸生喜在壯年易於調理又月餘而愈否則不救凡杖瘡跌撲之症患處如有瘀血止宜砭去服壯元氣之劑蓋其氣血已損切不可再用行氣下血之藥復損脾胃則運氣愈難營達於下而反為敗症怯弱者多致天狂

寒藥之非

有一患者腫痛敷寒涼之藥欲內消瘀血反致臀腿俱冷瘀血併胸腹痞悶余急去所敷之藥以熱童便酒洗患處服六君木香當歸敷回陽膏臀腿漸温又以前藥去木香加川芎藿香肉

古戶醫抄 五骨馬要上卷 十一
桂四劑瘀血解乃刺之更以壯脾胃養氣血得痊蓋氣血得溫則行得寒則凝寒極生熱變化爲膿腐潰深大血氣既敗肌肉無由而生欲望其生難矣

不砭之非

有一患者發熱煩躁用四物黃芩紅花軟柴山梔花粉煩熱已清瘀血深蓄欲針出之不從忽牙關緊急患處花痛始針去膿血卽安用托裏養血新肉漸長忽患處瘙癢此風熱也用祛風消毒之劑而痊

不補之非

有一患者臀腿脹痛發熱煩躁刺去死血脹痛少寬熱躁愈甚此血脫邪火旺而然也急用獨參湯補之少愈又以健脾胃養氣血藥治之腐肉漸潰遂愈大抵此症宜預調補以顧收斂切

不可伐其氣血不行補益以至不能收斂矣

破傷風表症

有一患者仲夏誤傷手腰背反張牙關緊急脈浮而散此表症也遂用羌活防風湯一劑卽解此症若在秋冬腠理緻密之時須用麻黃之類以發汗此乃暴傷氣血不損之治法也

破傷風裏症

有一患者杖處畧破而患此脈洪大而實此裏症也用大芩黃湯一劑大便微行一次悉退若投表藥必死宜急分表裏虛實而治之庶無誤矣

膿內焮類破傷風

有一患者寒熱口乾用四物參芪白朮軟柴炒芩麥門五味四劑少退余欲砭去瘀血不從後怔忡不寐飲食少思牙關牽緊

頭目疼痛惡寒發熱此膿內掀也遂砭法之即安以八珍棗仁
麥門五味二十劑前症漸愈又用前藥及獨參湯瘀肉漸潰後
因勞又少寐盜汗以歸脾湯麥門五味遠志而痊後牙關脹悶
面目焮赤又似破傷風仍以爲虛用八珍等藥亦安

膿潰類破傷風

有一患者膿脹喘促作惡寒熱臀腿糜爛與死肉相和如皮囊
盛糊用童便煎四物桃仁紅花柴胡黃芩麥門花粉服之頓退
彼用黑羊皮貼之益甚後砭去膿血甚多氣息奄奄唇口微動
牙關緊急患處色黯或欲用破傷風藥余曰此氣血虛而變症
也用參芪芩歸白朮併獨參湯人乳汁元氣復而諸症愈及用
十全大補湯調理而安此症若膿瘀內焮者宜針之若潰後口
噤遺尿而類破傷風等症者乃氣血虛極也急用大補之劑若

素多痰患風症者宜清痰降火若因怒而見風症者宜清肝降
火若人不慎房勞而忽患前症此由腎水不足心火熾甚宜滋
陰補氣血爲主若誤作風症治之即死

內虛變症 症當作瘕

有一患者內潰針出膿三五碗遂用大補之劑翌日熱甚汗出
足冷口噤腰背反張衆欲投發散之劑余曰此氣血虛極而變
瘕也若認作風治則悞矣用十全大補等藥而愈此症多因傷
寒汗下過度與產婦潰瘍氣血虧損所致但當調補氣血爲善
若服剋伐之劑多致不救

有一患者兩月餘矣瘡口未完因怒發瘕瘡口出血此怒動肝
火而爲患耳用柴胡芩連山梔防風桔梗天麻釣藤鈎甘草治
之頓愈劉宗厚先生云瘕有屬風火之熱內作者有因七情怒

氣而作者亦有濕熱內盛痰涎壅遏經絡而作者惟宜補虛降火敦土平木清痰去濕

墜跌金傷治驗

瘀血腹痛

有一患者仲秋夜歸墜馬腹內作痛飲酒數盃翌早大便自下瘀血即安此元氣充實挾酒勢而行散也一男子跌傷腹痛作渴食梨子二枚益甚大便不通血欲逆上用當歸承氣湯加桃仁瘀血下而瘥此因元氣不足瘀血得寒而聚凝也故產婦金瘡者不宜食此

一男子孟秋墜梯腹停瘀血用大黃等藥其血不下反加胸膈脹痛喘促短氣余用肉桂木香末各三錢熱酒調服即下黑血及前所服之藥而蕪此因寒藥凝滯而不行故用辛溫之劑散之

脾傷腹痛

陳侍御墜馬腿痛作嘔服下藥一劑胸腹脹痛按之即止惟倦怠少氣診其脉微細而濇余曰非瘀血也乃痛傷氣血復因藥損脾氣而然耳投養脾胃生氣血之藥而愈

血虛脇脹

李進士季夏傷手出血不止發熱作渴兩脇作脹按之即止此血虛也用八珍加軟柴胡天花粉治之頓愈更用養氣血之藥調理而痊

血虛煩躁

吳給事墜馬傷首出血過多發熱煩躁肉瞶筋惕或欲投破傷風藥余曰此血虛火動所致當峻補其血為善遂用聖愈湯二劑即安又養氣血而瘡痊

亡血出汗

張進士季秋墜馬亡血過多出汗煩躁翌日其汗自止熱躁益甚口噤手鸛此陰血虛陽火乘之而汗出為寒氣收斂故汗不得出火不得泄佛鬱內甚而益增他症也余用四物加柴胡黃芩山梔四劑少止又用四物參芪軟柴胡五味來治之

亡血昏慣二條

一婦人孟冬傷足亡血頭汗內熱作渴短氣煩躁不時昏慣其脈洪大按之微弱此陰血虛於下孤陽炎於上故發厥而頭出汗也以四物合小柴胡湯一劑汗即止以四物去川芎加參芪麥門五味炙草少用肉桂四劑諸症悉去又三十餘劑血氣復一男子孟夏折腿出血過多其初眩暈眼花後則昏慣此陰血傷損陽火熾甚制金不能平木木旺生風所致急灌童便更用

人參當歸各五錢荆芥川芎柴胡芍藥白朮各二錢山梔黃芩桔梗各一錢甘草五分服之隨爽又用四物參芪各三錢生地柴胡各一錢四劑煩躁悉去

濕痰作痛三條

大宗伯沈立齋孟冬閃腰作痛胸間痰氣不利以枳殼青皮柴胡升麻木香菖香當歸川芎赤芍神麴紅花四劑而瘥但飲食不甘微有潮熱以參芪白朮陳皮白芍各一錢歸身二錢川芎八分軟柴胡地骨炙草各五分十餘劑而康

劉尚寶體微臂閃作痛服透骨丹反致肢節俱痛下體益甚以二陳南星羌活防風牛膝木瓜蒼朮黃芩黃柏治之身痛遂安以前藥加歸尾赤芍桔梗治之而痊

鄭吏部素有濕痰孟冬墜馬服辛熱破血之藥遍身作痛發熱

口乾脉大而滑此熱劑激動痰火爲患耳治以清燥湯去人參當歸黃芪加黃芩山梔半夏黃栢熱痛頓去患處少愈用二陳羌活枯梗蒼朮黃栢薑製生地當歸遂痊

肝火作痛

楊司天骨已入髓患處仍痛服藥不應肝脉洪大而急余曰此肝火盛而作痛也用小柴胡湯加山梔黃連二劑痛止用四物山梔黃栢知母調理而康

血虛作痛

一婦人磕臂出血骨痛熱渴煩悶頭暈日晡益甚此陰虛內熱之症用八珍加丹皮麥門五味骨碎補肉桂及地黃丸治之悉愈却去桂加牛膝續斷二十餘劑而瘡愈

骨傷作痛

一小兒足傷作痛肉色不變傷在骨也頗用炒葱熨之五更用和血定痛丸日間用健脾胃生氣血之劑數日後服地黃丸三月餘而痊

一小兒臂骨出髓接入腫痛發熱服流氣等藥益甚飲食少思余以葱熨之其痛即止以六君黃芪柴胡桔梗續斷骨碎補治之飲食進而腫痛消又用補中益氣加麥門五味治之氣血和而熱退愈矣

氣虛血滯

戴給事墜馬腿腫痛而色黯食少倦怠此元氣虛弱不能運散瘀血而然耳遂用補中益氣去升麻柴胡加木瓜茯苓芍藥白朮治之而痊

氣虛不潰

薛天壽安 五曲堂八卷之二卷

少宗伯劉五清賺傷一塊微痛少食用六君子湯倍加當歸黃芪其痛漸止月餘瘀血內澗而不潰公以爲痊余曰此陽氣虛極須調補不從至來春頭暈痰涎壅塞服清氣化痰病勢愈盛脈洪大而微細欲以參芪歸朮附子之類補之不信至秋初因怒昏憤而厥

氣虛壅腫 三條

一婦人閃臂腕腫大已三月手臂日細肌瘦惡寒食少短氣脈息微細屬形病俱虛也遂投補中益氣加肉桂引諸藥以行至臂再加貝母香附以解久病之鬱間服和血定痛丸以葱熨之腫消二三因怒患處仍脹胸膈兩脇微痛以前湯更加木香山梔半夏桔梗服之少可復因驚不寐少食盜汗以歸脾湯加五味麥門二十餘劑而安腫消三四手臂漸肥但經水過期而少

此心脾之血尚未充足而然也乃用八珍加五味麥門丹皮遠志香附貝母桔梗四十餘劑諸症悉愈後因怒發熱譫語經水如湧此怒動肝火以小柴胡湯加生地黃三錢一劑遂止以四物加柴胡調理而康

州守陳克明子閃右臂腕腫痛肉色不變久服流氣等藥加寒熱少食舌乾作渴余曰傷損等症腫不消色不變此運氣虛而不能愈當助脾胃壯氣血爲主遂從余法治之不二月形氣漸充腫熱漸消半載諸症悉退體臂如常

一小兒閃腿腕壅腫形氣怯弱余欲治以補氣血爲主佐以行散之劑不信乃內服流氣飲外敷寒涼藥加寒熱體倦余曰惡寒發熱脈息洪大氣血虛極也治之無功後內潰瀝盡氣血而

瘀血腫痛

一男子閃傷右腿壅腫作痛余謂急砭去滯血以補元氣庶無後患不信乃外敷大黃等藥內服流氣飲後湧出穢膿數碗其膿不止乃復請治視其腿細而脉大作渴發熱辭不治後果窓友黃汝道環跳穴處閃傷瘀血腫痛發熱作渴遂砭去瘀血知其下焦素有虛火用八珍加黃栢知母牛膝骨碎補四劑頓止用十全大補湯少加黃栢知母麥門五味三十餘劑而斂

筋傷壅腫

李考功子十四歲脚腕閃傷腫而色天日出清膿少許肝脉微瀦此肝經受傷氣血虛而不能潰難治之症也急止剋伐之劑不信乃雜用流氣等藥後果出爛筋而死

肺火衄血

張地官墜馬傷腿服草烏等藥致衄血咳嗽臂痛目黃口渴齒

痛小便短少此因燥劑傷肺與大腸而致余用生地芩連黃栢知母山梔山藥甘草以潤肺之燥而生腎水小便頓長諸症並止以山藥五味麥門參芪苓歸黃栢黃芩知母炙草以滋陰血養元氣而瘡斂

肝火出血 三條

俞進士折腿骨已接三月尚發熱出汗不止正體醫治不應左關脉洪數此肝火熾甚血得熱而妄行也遂投小柴胡湯加山梔芍藥生地防風血止熱退又用八珍五味麥門治之瘡口愈田宗伯姪仲秋因怒跌仆遍身作痛發熱衄血肝脉洪弦余曰久衄脉弦洪乃肝火盛而制金也至春則肝木茂盛而自焚或戕賊脾土非易治之症當滋腎水以生肝木益脾土以生肺金乃雜用瀉肝火等藥歿於仲春之月

一婦人因怒仆地傷面出血痰盛昏憤牙關緊急余曰此怒動肝火氣逆拂鬱神明昏冒而卒倒也兩手脈洪大而無倫次以小柴胡湯加黃連山梔芩歸橘紅茯苓薑汁治之而甦

胃火作嘔

一膏梁之人跌腿青腫作痛服辛熱之藥反發熱作喘患處益痛口乾唇揭余曰膏梁之人內多積熱夏服辛熱之劑益其胃火而使然也頻飲童便以清胃散加山梔黃芩治之頓止患處以葱熨之腫即消散

陰虛作喘

舉人杜克弘墜馬服下血藥反作喘日晡益甚此血虛所致耳非瘀血為患遂以四物加參芪五味麥門治之其喘頓至又用補中益氣加五味麥門而愈此症果係瘀血蒸薰於肺而喘只

宜活血行血亦不可下若面黑胸脹或膈痛作喘當用人參二兩蘓木二兩作一劑水煎急服緩則不治產婦多有此疾

陰虛發熱

楊進士傷手指焮痛發熱服寒涼之藥致飲食頓減患處不潰余用托裏養血之藥食進瘡潰後因勞每日晡發熱此陰虛而內熱也以四物軟柴胡地骨皮乃退更用血氣之藥而瘡斂

氣血虛熱

一男子墜馬腹有瘀血服藥下之致發熱盜汗自汗脈浮濇余以為重劑過傷氣血所致投以十全大補湯益甚時或譫語此藥力未及而然也以前藥加炮附子五分服之即睡覺來頓安再劑而痊

血不歸經三條

大尹劉國信金瘡出血發熱煩躁屬陰虛為患用聖愈湯治之
虛火息而血歸經矣

梁閣老姪金瘡腫痛出血不止寒熱口乾此氣虛血無所附而
血不歸經也用補中益氣五味麥門主之陽氣復而愈

氣無所附

舉人余時正金瘡焮痛出血不止惡寒發熱用敗毒等藥愈甚
亡血過多氣無所附而然耳遂以黃柏知母軟柴胡玄參五味
麥門治之即愈

氣血俱虛

余北仕時有留都賈學士子年十六患流注已二載公陞北宗
伯邀余治診其脉洪大而數膿清作渴食少盜汗朝寒暮熱余
曰此氣血俱虛也先以固氣血為主午前以四君芍歸炙草午

後以四物參芪麥門五味兩月諸症遂可一二有一醫用參利
之藥保其必生治之三月氣血極虛而形體骨立復懇治余被
命南下後果歿

陽氣脫陷

梁閣老姪跌傷腿外敷大黃等藥內服破血之劑遂致內潰余
針出穢膿三碗許虛證悉具用大補之劑兩月餘少能步履因
勞心手撒眼閉汗出如水或欲用祛風之劑余曰此氣血尚未
充足而然也急以艾炒熱熨肚臍并氣海穴處以人參四兩
炮附子五錢煎灌良久臂少動又灌一劑眼開能言但氣不能
接續乃以參芪歸朮四味共一斤附子五錢水煎徐徐服之而愈

膽經血少

一女子年十七閃右臂微腫作痛寅申時發熱余決其膽經血

虛火盛經水果先期而至先以四物合小柴胡湯四劑熱退更以加味四物湯加香附地骨皮山梔各五分芩連炙草各三分二十餘劑其腫亦消又去黃連山梔又五十餘劑經水調而元氣充矣

腎經虛怯 二條

儒者王清之跌腰作痛用定痛等藥不愈氣血日衰面目黧色余曰腰爲腎之府雖曰閃傷實腎經虛弱所致遂用杜仲補骨脂五味山茱萸蓉山藥空心服又以六君當歸白朮神麩各二錢食遠服不月而瘥二三歲兒閃腰作痛服流氣等藥半載不愈余曰此稟腎氣不足不治之症也後果歿

痛傷胃嘔

一婦人傷指手背俱腫微嘔少食彼以爲毒氣內攻診其脉沉

細此痛傷胃氣所致也遂刺出膿碗許先以六君藿香當歸食進繼以八珍黃芪白芷桔梗月餘而瘡愈

氣過肉死 二條

一男子脩傷足指色黑不痛而欲脫余曰此因陽氣虛不能運達於患處也急去之速服補劑以壯元氣否則死肉延足必不救矣不信果黑爛上脛而死大抵手足氣血罕到之地或生瘡或傷損若戕其元氣邪氣愈盛潰爛延上必死不潰而色黯者亦死若骨斷筋皮尚連者急剪去之

一女年數歲嚴寒上京兩足受凍不仁用湯泡漬至春十指俱爛牽連未落余用托裏之劑助其陽氣自潰脫得保其生此因寒邪過絕運氣不至又加熱湯泡漬故死而不痛也余嘗見人之嚴寒而出凍傷其耳不知痛若以手觸之其耳卽落當以煖

煖處良久或熱手熨之無恙若以火烘湯泡其耳卽死至春必潰脫落矣北方寒氣損人若此可不察之

涼藥過經

雲間曹子容爲室人中風灌藥誤咬去指半節焮痛寒熱外敷大黃等藥內服清熱敗毒患處不痛不潰膿清寒熱愈甚余曰此因涼藥過絕隧道而然也遂敷玉龍膏以散寒氣更服六君子湯以壯脾胃數日後患處微痛腫處漸消此陽氣運達患處也果出稠膿不數日半指潰脫更服托裏藥而斂

上合王天爵傷足焮腫內熱作渴外敷內服皆寒涼敗毒患處益腫而不潰且惡寒少食欲作嘔吐余曰此氣血俱虛又因寒藥凝結隧道損傷胃氣以致前症耳遂用香砂六君子芩歸炮薑外症悉退惟體倦晡熱飲食不甘以補中益氣湯加地骨皮

五味麥門治之而愈

州守王廷用傷指卽用帛裹之瘀血內潰焮腫至手余謂宜解患處以出瘀血更用推陳致新之劑不信乃敷涼藥痛雖少止次日復作又敷之數日後手心背俱潰出瘀穢膿水尚服敗毒之劑氣血益虛色黯膿清飲食少思仍請余治投以壯脾胃生氣血之劑由是膿水漸稠而愈

湯火所傷治驗

火毒刑肺金

一男子孟冬火傷臂作痛喘嗽發熱此火毒刑肺金之症用人參平肺散治之喘嗽乃止因勞又惡寒發熱此氣血虛也以八珍湯加桔梗白芷治之而退再加薄桂三分以助藥勢溫氣血壞肉潰之而愈○若初起焮赤作痛用神效當歸膏敷之輕者

自愈重者自腐生肌神效。或用側柏葉末蠟油調敷亦效。若發熱作渴小便赤色其脈洪數而實者用四物茯苓木通甘草炒黃連脈雖洪數而虛者用八珍若患處不潰而色黯者四君芎歸黃芪之類若肉死已潰而不生肌者用四君黃芪當歸炮薑若愈後而惡寒陽氣未復也急用十全大補切不可用寒涼及傷脾胃。

火毒燉作

一男子因醉被湯傷腿潰爛發熱作渴飲水脈洪數而有力此火毒爲患用生地當歸苓連木通葛根甘草十餘劑諸瘡漸退却用參芪白朮芎歸炙甘草芍藥白芷木瓜新肉將完因勞忽寒熱此氣血虛而然也仍用參芪之藥加五味子酸棗仁而安又月餘而瘡痊。

火毒行於下焦

一男子火傷兩臂燉痛大小便不利此火毒傳於下焦用生地黃當歸芍藥黃連木通山梔赤茯苓甘草一劑二便清利其毒亦止乃以四物參芪白芷甘草而壞肉去又數劑而新肉生。

火毒乘血分

一婦人湯傷胸大潰兩月不斂脈洪大而無力口乾發熱日晡益甚此陰血虛火毒乘之而爲患耳用四物湯加柴胡丹皮黃芩退身涼更用逍遙散加陳皮以養陰血壯脾胃腐肉去而新肉生。

正體類要下卷

薛氏醫按

吳郡薛 已著

新都吳玄有校

方藥

四君子湯 治脾胃虛弱或因剋伐腫痛不散或潰而不斂或飲食少思或欲作嘔大便不實等症

人參

白朮

茯苓各二錢

甘草炙一錢

右作一劑薑棗水煎服

小柴胡湯

治一切撲傷等症因肝膽經火盛作痛出血自汗

寒熱往來日晡發熱或潮熱身熱咳嗽發熱脇下作痛兩脇痞滿

柴胡二錢

黃芩一錢五分

半夏一錢

人參一錢

甘草炙三分

右薑水煎服

薛氏醫按

正體類要下卷

卷之五

神效葱熨法 治跌撲傷損用葱白細切杵爛炒熱敷患處如
冷易之腫痛即止其效如神
八珍湯 治傷損等症失血過多或因剋伐血氣耗損惡寒發
熱煩躁作渴等症

人參 白朮 白茯苓 當歸 川芎 白芍藥
熟地黃各一錢 甘草各五分 右薑棗水煎服
犀角地黄湯 治火盛血熱妄行或吐衄不止大便下血如因
怒而致加山梔柴胡

犀角鎊 生地黄 白芍藥 黃芩 牡丹皮
黃連各一錢 用水煎熟傾於鍾內入犀末服之
十味參蘓飲 治氣逆血蘊上焦發熱氣促或咳血衄血或痰
嗽不止加黃芩 梔即加味參蘓飲

人參 紫蘓 半夏 茯苓 陳皮 桔梗 前胡
葛根 枳殼各一錢 甘草各五分 古用薑水煎服

二味蘓參飲 治出血過多瘀血入肺面黑喘促
人參兩 蘓木兩 用水煎服

四物湯 治一切血虛日晡發熱煩躁不安者皆宜服之
當歸 熟地黃各三錢 芍藥二錢 川芎一錢五分

右水煎服加白朮茯苓柴胡丹皮即加味四物湯
桃仁承氣湯加當歸即 治傷損血滯於內作痛或發熱發狂等
症

桃仁 芒硝 甘草各一錢 大黃二錢 用水煎服大黃更量
加味承氣湯 治瘀血內停胸腹脹痛或大便不通等症

大黃 朴硝各二錢 枳實一錢 厚朴一錢 甘草五分
當歸 紅花各一錢 用酒水各一鍾煎一鍾服仍量虛實

薛氏醫案 在體檢要下卷 二

獨參湯 治一切失血與瘡瘍潰後氣血俱虛惡寒發熱作渴
煩躁者宜用此藥補氣蓋血生於氣陽生陰長之理也用人
參二兩棗十枚水煎服

歸脾湯 治跌撲等症氣血損傷或思慮傷脾血虛火動寤而
不寐或心脾作痛怠惰嗜卧怔忡驚悸自汗盜汗大便不調
或血上下妄行其功甚捷

白朮 當歸 白茯苓 黃芪炒 龍眼肉 遠志

酸棗仁炒各一錢 木香分五 甘草炙三分 人參一錢

右薑棗水煎服加柴胡山梔即加味歸脾湯

腸丸 治跌撲等症或脾胃伏火大腸乾躁或風熱結等症

麻子仁一兩 桃仁皮尖研 羌活 當歸尾

大黃煨 皂角刺 藜朮各五

右為末煉蜜丸桐子大豬膽汁丸尤妙每服三五丸食前
白滾湯送下凡怯弱人先用豬膽導之不通宜補氣血

當歸補血湯 治杖瘡金瘡等症血氣損傷肌熱大渴引飲目
赤面紅晝夜不息其脈洪大而虛重按全無此病多得於飢
渴勞役者若誤服白虎湯必死

黃芪炙一兩 當歸二錢 用水煎服

聖愈湯 治杖瘡金瘡癰疽膿血出多熱躁不安或嘔熱作渴

熟地黃酒洗 生地黃酒洗 人參各一錢 川芎一錢

當歸酒洗 黃芪各五分 用水煎服

十全大補湯 治杖瘡氣血俱虛腫痛不消腐而不潰潰而不
斂或惡寒發熱自汗盜汗飲食少思肢體倦怠若怯弱之人
患處青腫而肉不壞者服之自愈若有瘀血硬刺早者服之

自消或潰而膿水清稀肌肉不生或口乾作渴而欲宜湯者尤

白茯苓 人參 當歸 白朮 黃芪

川芎 白芍藥炒 熟地黄生者自製 肉桂 五分

甘草炙各一錢 用薑棗水煎服

參附湯 治金瘡杖瘡失血過多或膿瘡大泄陽隨陰走上氣

喘急自汗盜汗氣短頭暈等症

人參四錢 附子炮去皮三錢 用水煎服陽氣脫陷者倍用之

清胃散 治血傷火盛或胃經濕熱唇口腫痛牙齦潰爛或發

熱惡寒等症

生地黃五分 升麻 一錢 牡丹皮五分 黃連 五分

當歸酒洗五分 用水煎服如痛未止黃芩石膏大黃之類皆可量加

清燥湯 治跌撲瘡瘍血氣損傷或潰後氣血虛怯濕熱乘之

遍身酸軟或秋夏濕熱太甚肺金受傷絕寒水生化之源

無所養小便志淫大便不調或腰腿痿軟口乾作渴體重麻

木或頭目暈眩飲食少思或自汗體倦胸滿氣促或氣高而

喘身熱而煩

黃芪一錢五分 蒼朮 一錢 白朮 陳皮 澤瀉各五分

五味子九粒 白茯苓 人參 升麻各五分 麥門冬

當歸身 生地黄 神麩炒 猪苓 酒栢各五分

柴胡 黃連 甘草炙各三分

右薑水煎服濕痰壅盛參芪歸地之類可暫減之

生脉散 治金瘡杖瘡等症發熱體倦氣短或汗多作渴或潰

後睡卧不寧陽氣下陷發熱煩躁若六七月間濕熱大行火

工合病令人脾胃虛弱身重氣短或金為火制絕寒水化源

肢體痿軟脚欹眼黑並宜服

人參五錢 五味子錢 麥門冬 用水煎服

一妙散 治下焦濕熱腫痛或流注遊走遍身疼痛

蒼朮 黃柏各等 用為末每服二錢酒調服作丸亦可

四斤丸 治肝腎精血不足筋無所養攣縮不能步履或邪淫

於內筋骨痿軟

肉苁蓉酒洗 牛膝酒洗 天麻 乾木瓜

鹿茸炙 熟地黄生者自製 兔絲子酒浸 五味子各等

右為末用地黃膏九相子大每服五七十九空心溫酒送下

補中益氣湯 治跌撲等症損傷元氣或過服剋伐惡寒發熱

肢體倦怠血氣虛弱不能生肌收斂或兼飲食勞倦頭痛身熱煩躁作渴脉洪大弦虛或微細軟弱自汗倦怠飲食少思

黃芪炙 人參 白朮 甘草各一錢五分 當歸一錢

陳皮五分 柴胡 升麻各三分 用薑棗水煎服

四生散 治腎臟風毒遍身瘙痒或膿水淋漓耳鳴目癢或鼻

赤齒浮口舌生瘡婦人血風瘡更效

白附子 獨活 黃芪 蒺藜各等分

右為末各等分每服二錢用腰子一枚劈開入藥濕紙包裹

煨熟細嚼鹽湯下酒服亦可

竹葉黃芪湯 治氣血虛胃火盛而作渴者

淡竹葉錢 黃芪 生地黃 當歸 麥門冬

川芎 甘草 黃芩炒 芍藥 人參

石膏煨各一錢 用水煎服

竹葉石膏湯 治胃火盛而作渴者

淡竹葉

石膏煨

桔梗

木通

薄荷

甘草各錢

用薑水煎服

人參平肺飲

治心火剋肺咳嗽喘嘔痰涎壅盛咽喉不利等症

人參

陳皮

甘草各錢

地骨皮

茯苓

知母各分

五味子

青皮

天門冬

桑白皮各分

右水煎服

滋腎丸

治腎經陰虛發熱作渴足熱腿膝無力等症凡不渴

而小便閉者最宜用之

肉桂三錢

知母酒炒

黃柏酒炒各二兩

右為末水丸桐子大每服七八十九空心白滾湯下

六味地黃丸

加肉桂五味各一兩名加減八味丸

治傷損之症因腎肺二經虛弱

發熱作渴頭暈眼花咽燥唇裂齒不堅固腰腿痠軟小便頻

赤自汗盜汗便血諸血失痞水泛為痰服聖藥血虛發熱之

神劑若損重傷骨不能言如痞者用此水煎服之亦效

熟地黃

八兩杵膏白製

山茱萸肉

乾山藥

各四兩

牡丹皮

白茯苓

澤瀉各三兩

右為末和地黃丸桐子大每服七八十九空心食前滾湯下

清心蓮子飲

治發熱口渴白濁夜安靜而晝發熱等症

黃芩錢一

麥門冬

地骨皮

車前子

甘草各一分

石蓮肉

茯苓

黃芪炒

柴胡

人參各一錢

右水煎服

七味白朮散

治脾胃虛弱津液短少口渴作渴或中風虛熱

口舌生瘡不喜飲冷最宜服之

復人參

白朮

木香

白茯苓

甘草錢

藿香各五錢 乾葛一錢 用水煎服

黑丸子一名和血定痛丸 治跌撲墜墮筋骨疼痛或瘀血壅腫或風寒

肢體作痛若流注膝風初結服之自消若潰而膿清發熱與

補氣血藥兼服自斂

百草霜 白芍藥各一兩 赤小豆一兩六錢 川烏炮三錢

白斂一兩六錢 白芨 當歸各八錢 南星炮三錢

牛膝炮六錢 骨碎補炮六錢

右各另為末酒糊丸桐子大每服三十九鹽湯溫酒送下孕婦勿服

白丸子 治一切風痰壅盛手足頑麻或牙關緊急口眼歪斜

半身不遂等症

半夏七兩生用 南星二兩生用 川烏去皮臍生用五錢

右為末用生薑汁調糊丸桐子大每服一二十九薑湯送下

六君子湯 治金瘡杖瘡等症因元氣虛弱腫痛不消或

斂或服剋伐傷脾或思飲食宜服之以壯營氣此方即四

君子湯加陳皮白朮更加香附藿香砂仁香砂六君子

迴陽玉龍膏 治跌撲所傷為敷涼藥或人元氣虛寒腫不消

散或不斂及癰腫堅硬肉色不變久而不潰潰而不斂或

筋變骨痛一切冷症並效

草烏二錢 南星一兩煨 軍薑一兩煨 白芷一兩 肉桂五錢

赤芍藥一兩 用為末葱湯調塗熱酒亦可

復原活血湯 治跌撲等症瘀血停凝脇腹作痛甚者大便不

柴胡 當歸 紅花各二錢 川山甲炮五分 大黃酒炒一錢

桃仁二十枚 甘草五分 瓜薑根一錢 用酒水各半煎服

復原通氣散 治打撲傷損作痛及乳癰便毒初起或氣滯作

痛

木香

茴香炒

青皮去白

川山甲酥炙 陳皮

白芷

甘草

漏蘆

貝母各等分

右為末每服一二錢溫酒調下

愚按前方治打撲閃錯或惱怒氣滯血凝作痛之良劑經云形傷作痛氣傷作腫又云先腫而後痛者形傷氣也先痛而後腫者氣傷形也若人元氣素弱或因叫號血氣損傷或過服剋伐之劑或外敷寒涼之藥血氣凝結者當審前大法用溫補氣血為善

神效太乙膏

治癰疽發背杖瘡及一切瘡疽潰爛

玄參

白芷

當歸

肉桂

赤芍藥

大黃

生地黄各一兩

各一

用麻油二斤入銅鍋內煎至藥

黑瀘去粗徐入淨黃丹十二兩再煎滴水得中即成膏矣中捻軟硬

乳香定痛散

治杖瘡金瘡及一切瘡瘍潰爛疼痛

乳香

沒藥各五錢

滑石兩

寒水石一兩

冰片

右為末搽患處痛即止甚效

豬蹄湯

治一切癰疽杖瘡潰爛消腫毒去惡肉

白芷

當歸

羌活

赤芍藥

露蜂房蜂兒多者佳

生甘草各五錢

用豬蹄一隻水五碗煮熟取清湯入煎藥

煎數沸去粗溫洗隨用膏藥貼之

神效當歸膏

治杖撲湯火瘡毒不問已潰未潰肉雖傷而未

壞者用之自愈肉已死而用之自潰新肉易生搽至肉色漸白其毒始盡生肌最速如棍杖者外皮不破肉內糜爛其外皮因內燉乾縮堅硬不潰爬連好肉作痛故俗云丁痂皮致膿瘡無從而泄內愈脹痛腐潰益深往往不待其潰就行割

去而瘡口開張難以潰斂怯弱之人多成破傷風症每致不救若被瘡內有瘀血者即用有鋒芒磁片於患處砭去塗以此藥則丁痂自結死肉自潰膿穢自出所潰亦淺生肌之際亦不結痂又免被揭之痛殊有神效蓋當歸地黃麻油二蠟主生肌止痛補血續筋與新肉相宜此方余以刊行治者亦多用之

當歸 一兩 麻肉 六兩 黃蠟 一兩 生地黃 一兩

右先將當歸地黃入油煎黑去粗入蠟溶化候冷攪勻即成膏矣白蠟尤妙

托裏散 治金瘡杖瘡及一切瘡毒因氣血虛不能成膿或膿成不能潰斂膿水清稀久而不瘥

人參 一錢 氣虛 黃芪 一錢 水拌 白朮 一錢 陳皮 各七分

當歸身 酒拌一錢 芍藥 酒炒 熟地黃 生薑 口製

白茯苓 各一錢 用水煎服

加味芎歸湯 治跌撲墜皮膚不被瘀血入胃作嘔

芎藭 當歸 百合 水浸 白芍藥

荆芥穗 各二錢 用酒水煎服

當歸導滯散 治跌撲瘀血在內胸腹脹滿或大便不通或喘

咳吐血

大黃 當歸 各等分 用為末每服三錢溫酒下氣 虛須 桂

花蕊石散 治打撲傷損腹中瘀血脹痛欲死服之血化為水

其功不能盡述

硫黃 明色者 四兩 花蕊石 一兩

右為末和勻先用紙筋和鹽泥固濟瓦罐一個候乾入藥再

用泥封口安在磚上虛書八卦五行用炭三十斤煨之罐冷取出每服一錢童便調下

愚按前方若被傷熾盛元氣虧損內有瘀血不勝踈導者用前藥一服其血內化又不動臟腑甚妙甚妙

經驗方 治跌撲瘀血作痛或筋骨疼痛

黃栢 一兩 半夏 五錢

右為末用薑汁調塗患處以紙貼之如乾薑汁潤之周日湯

消毒定痛散 治跌撲腫痛

無名異 炒 木耳 炒 大黃 炒各五分

右為末蜜水調塗如內有瘀血硬去敷之若腐處更用當歸膏敷之尤好

祖方 治杖瘡潰爛生蛆用皂礬煨過為末乾擦其內蛆即

死如未應佐以柴胡梔子散以清肝火

洗藥 凡傷重者用此淋洗然後傳藥

荆芥 土當歸 生葱 切斷一方

右煎湯溫洗或止用葱一味煎洗亦可

黑龍散 治跌撲傷損筋骨碎斷先用前湯淋洗以紙攤若骨

折更以薄木片夾貼以小繩束三日再如前法勿去夾板恐

搖動患處至骨堅牢方宜去若被刀箭蟲傷成瘡並用薑汁

和水調沾口以風流散填塗

土當歸 丁香皮 百草霜 散血入

川山甲 六兩炒黃或煉存性 枇杷葉 去毛入半兩一

右焙為細末薑汁水調或研地黃汁調亦好

洪寶丹一名濟陰丹 治傷損焮痛并接斷

天花粉三兩 薑黃 白芷 赤芍藥各一兩

右為末茶湯調搽患處

治金傷出血不止用牛膽石灰擦之即止以臘月牛膽入風化

石灰懸當風候乾用

又方金瘡出血不止以五倍子生為末乾貼如不止屬血熱宜

用犀角地黃湯之類大凡金瘡出血不止若素怯弱者當補

氣若素有熱當補血若因怒氣當平肝若煩熱作渴昏憤當

補脾氣若筋攣搐搦當養肝血不應用地黃丸以滋腎水

又方皮破筋斷者以百膠香塗之或以金沸草汁頻塗自然相續

沒藥降聖丹 治傷損筋骨疼痛或不能屈伸肩背拘急身體

倦怠四肢無力

沒藥別研 當歸酒洗 白芍藥 生地黃

骨碎補擇去毛 川烏去毛 川芎各一兩半 自然銅火煨

為末水飛過焙一兩 用為細末每一兩作四丸以生薑自然汁

煉蜜為丸每服一丸槌碎用水酒各半鍾入蘓木少許煎至

八分去蘓木空心服 愚按脾主肉肝主筋若因肝脾二經

氣血虛弱或血虛有熱而不愈者當求其本而治之

萬金膏 治癰疽及墜撲傷損或筋骨疼痛

龍骨 鱉甲 苦參 烏賊魚骨 黃柏 黃芩

黃連 白芨 白斂 猪牙皂角 厚朴 草烏

川芎 當歸 木鱉子仁 白芷各兩 沒藥另研 乳香另研各

槐枝 柳枝各四寸長二十一條 黃丹一斤半 清油四斤

右除乳沒黃丹外諸藥入油內煎至黑色去相稱淨油每斤

入丹半斤不住手攪令黑色滴水中不粘手下乳沒再攪如

硬入油些少以不粘手為度

接骨散 治骨折碎或骨出髓先整端正却服此藥如飛禽六畜所傷亦能治

鵬砂一錢五分

水粉

當歸各一錢

右為末每服二錢煎蘓木湯調服後但飲蘓木湯立効

本事接骨方 治打折傷損

接骨水

半兩即蒴藿也

乳香半兩

赤芍藥

當歸

川芎

自然銅各一兩

右為末用黃蠟四兩溶入前末攪勻衆手丸龍眼大如打傷筋骨及閃痛不堪忍者用一丸熱酒浸開熱呷痛便止若大段傷損先整骨用川烏草烏等分為末生薑汁調貼之挾定服藥無不效者

愚按前三方俱效者備錄之以便修用

沒藥丸 治打撲筋骨疼痛或氣逆血暈或瘀血內停肚腹作痛或胸膈脹悶

沒藥

乳香

川芎

川椒

芍藥

當歸

紅花

桃仁

血竭

各一兩

自然銅

四錢火煨七次

右為末用黃蠟四兩溶化入前末速攪勻丸彊于大每服一丸酒化服

愚按接骨散沒藥丸元氣無虧者宜用若腎氣素怯或高年腎氣虛弱者必用地黃丸補中益氣湯以固其本為善

羌活防風湯 治破傷風邪初在表者急服此藥以解之稍遲則邪入於裏與藥不相合矣

羌活

防風

甘草

川芎

藜蘆

當歸

芍藥

各兩

地榆

細辛各二兩

用每服五錢水煎

防風湯

治破傷風表症未傳入裏急宜服之

防風

羌活 獨活

川芎各等分

右每服五錢水煎調蜈蚣散服大效

蜈蚣散

蜈蚣

對一錢

用為細末用防風湯調下

羌活湯

治破傷風在半表半裏急服此湯稍緩邪入於裏不宜用

羌活

菊花

麻黃

川芎

石膏

防風

前胡

黃芩

細辛

甘草

白芷各五錢

枳殼

蔓荊子各一兩

薄荷

白芷各五錢

用每服五錢水煎

地榆防風散

治風在半表半裏頭微汗身無汗不可發汗兼治表裏

地榆

防風

地丁草

馬齒莧各等分

右為細末每服三錢米湯調服

大芎黃湯

治風在裏宜踈導急服此湯

川芎

羌活

黃芩

大黃各一兩

右五七錢水煎溫服臟腑通和為度

白朮防風湯

治服表藥過多自汗者

白朮

黃芪各二兩

防風二兩

右每服五七錢水煎服臟腑和而自汗者可服若臟腑秘小便赤者宜用大芎黃湯下之

便赤者宜用大芎黃湯下之

白朮湯

治破傷風汗不止筋攣搐搦

白朮

葛根

升麻

黃芩

芍藥各二兩

甘草

二錢五分

右每服五錢水煎無時服

謙甫硃砂丸 治破傷風目證口噤不語手足搐搦項筋強直不能轉側目不識人

硃砂研 半夏洗 川烏各一兩 雄黃五錢 鳳凰臺三錢

麝香一字 用為末棗肉丸桐子大每服一丸或二丸冷

水下以吐為度如不吐加一丸或吐不住煎葱白湯止之汗出為效

左龍丸 治直視在裏者

左盤龍野鴿糞也 白僵蠶炒各五錢 雄黃一錢

右為末燒飯丸桐子大每服十五丸溫酒下如裏症不已當

用前藥末一半加巴豆霜半錢燒飯丸桐子大每服加入一

丸如此漸加以利為度利後服和解藥

江鰮丸 治破傷風傳入裏症驚而發搐臟腑秘澀

江鰮剉炒半兩 野鴿糞炒半兩 雄黃一錢 白僵蠶半兩

蜈蚣對一 天麻兩 用為末作三分二分燒飯丸桐子

大硃砂為衣一分入巴豆霜一錢亦用燒飯丸每服硃砂若

二十九丸入巴豆者一丸漸加至利為度後止服前丸

養血當歸地黃湯

當歸 地黃 芍藥 川芎 藁本 防風 白芷各一兩

細辛五錢 右依前煎服

廣利方 治破傷風發熱

瓜婁子九錢 滑石三錢 南星 蒼朮 赤芍藥

陳皮 炒柏 黃連 黃芩 白芷

甘草各五分 用薑水煎服

右二方用竹瀝瓜婁實輩治破傷風熱痰脉洪者前方用南

星半夏草烏川烏輩則治破傷風寒痰脉無力者

白丸子 治一切風痰壅盛手足頑麻或牙關緊急口眼歪斜
半身不遂等症

半夏七兩 生用 南星二兩 生用 川烏去皮 臍生 用五錢

右為末用生薑汁調糊丸桐子大每服一二十九薑湯下

本事玉真散 治破傷風及打撲傷損項強口噤欲死南星有防風製

其毒不 麻人 天南星湯泡 七次 防風等分 用為末先以熱童子

小便洗淨瘡口拭乾摻之良久渾身作痒瘡口出赤水是效

又以溫酒調下一錢如牙關緊急腰背反張用藥二錢童子

小便調服至死心頭微溫者急灌之亦可救累效累效

治打撲傷損腫痛傷風者

天南星 半夏 地龍各等分

右為末用生薑薄荷汁調搽患處

